



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

II. Der Probst und das Capitel zu Gramzow wählen die Markgrafen Johann und Otto zu ihren Schirmvögten, am 9. Januar 1245.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

tuor fartagine et in eadem prouincia due ville Poblote et Suelube et thelonium de ponte scilicet de uno quoque curru per eum transeunte duo denarii, et panis et de quolibet homine salem ibi coquente et per eundem pontem transeunte denarius cromatorum et ante ipsum pontem taberna et de alio ponte super ripam radua simile thelonium, et dimidius census lignorum, que uehantur per fluuium parlandi. In castro belegarde taberna vna et tercius denarius de thelonio plaustrorum ibidem transeuntium. Rursus in prouincia supra memorata Scitene super riuum Ribeniz villa vna cum omnibus appendiciis suis et loco molendini. In prouincia quoque uicina, que dicitur lessan villa Reuene cum terminis suis et Super riuum bebroa locus molendini. Item in castro pozdewolk ecclesia forensis cum villa una hudeffina. His bonis siue beneficiis etiam nos emulantes piam deuotionem beate memorie uiri Alberti predecessoris nostri adicimus omnem decimationem seu iusticiam, que nobis debetur in villis eiusdem ecclesie et perpetuo iure donando confirmamus ipsi ecclesie et canonicis in ea deo seruentibus. Si quis autem hec temerario ausu eidem ecclesie et fratribus secundum regulam sancti augustini et institutionem sancte premonstratensis ecclesie ibidem uniuersis infirmare, imminuere uel quocumque studio defraudare attemptauerit, sit anathema maranatha. Acta sunt hec super introitum fluminis vrensis, in presentia totius populi terre, convocati illuc ad concilium. Istis specialiter uocatis in testimonium. Domino Iaczone, Domino Bogozlao, Domino Cazimero principibus, Domino Wartizlao castellano de Stetin, Zauist castellano caminensi, Venzezlao castellano iulienfi, Gustizlao castellano vno-mienfi, Dirskone castellano diminensi et budowoy cognato eius, anno dominice incarnationis M^o. C^o. LX^o. VIII^o. Indictione II.

Gaffelbach, Kofegarten und v. Nebem Cod. Pom. Dipl. I. 60, 61.

II. Der Propst und das Capitel zu Gramzow wählen die Markgrafen Johann und Otto zu ihren Schirmvögten, am 9. Januar 1245.

In nomine sancte et indiuidue trinitatis, Johannes, dei gratia prepositus totumque Gramzowensis ecclesie capitulum omnibus in perpetuum. Cum corruptionis causa proprie tempus existat et ex tempore etiam cuncta senescant, senectusque obliuionem inducat, humana prouidentia, quod humanis uocibus ab uno eodemque propter sui corruptionem posteris insinuari non potuit, insinuandum literarum testimoniis dereliquit. Hinc est, quod notum esse cupimus uniuersis tam presentibus quam futuris, Quod monasterium nostrum Gramzowe in honore beate virginis sanctique Iohannis ewangeliste in maxima solitudine quondam erectum maximis nichilominus miseris atque laboribus ab antecessoribus nostris ad incrementum salutis deductum, nostris heu temporibus ab impiis et inuoluntariis non tantum domum ipsam, sed et totam prouinciam per rapinas preda et indebitas exactiones diripientibus, cum non esset hiis temporibus, qui se murum pro domo domini opponeret confidenter, constabat tam in temporalibus quam in spiritualibus, sine spe reformationis, penitus fuisse collapsum. Quapropter animo consternati ad auxilium undique respicientes, cum non inueniretur alius, qui uoluntatem cum possibilitate haberet nostrum defendere monasterium de incurfionibus seu direptionibus malignantium, quorum quidam ex amicis eidem facti fuerant inimici, usi consilio faniori prouidaque deliberatione, defensionis ac protectionis gratia illustres principes dominos

Iohannem et Ottonem, Marchiones de Brandenburg, viros christianissimos ac iusticie zelatores, aduocatos nostre ecclesie duximus de communi consensu nostri capituli eligendos, Aduocatum super omnibus bonis nostris habitis quidem et habendis in ipsos ac suos successores iure proprio transferentes. Quam aduocatum dicti principes ad instantiam nostrarum precum tandem pietate moti pro se suisque successoribus, suscipientes defensionem ac tutelam nobis ac nostris hominibus contra importunitates malignantium per scripta propria promiserunt. Vt autem hec aduocatie facta translatio seu donatio etiam futuris temporibus dignoscatur, eam sigillorum nostrarum munimine fecimus roborari, adhibitis testibus ydoneis, quorum nomina sunt hec, dominus Rudgerus brandenb. episcopus, Otto, prepositus de Leuenwalde, Symon, prepositus de Berlin, Theodoricus, Steindalensis ecclesie scolasticus, Iohannes, brandenb. notarius. Laici vero Petrus, aduocatus de brandenburg, h. aduocatus de kopenik, h. aduocatus de Oderberg, Albernus brandenb. curie marscalkus, et alii quam plures. Acta sunt hec Liuenwalde, anno ab incarnatione domini M^o. CC^o. XLV^o., quinto Idus Januarii.

Aus einem Copialbuche des K. Geh. Staatsarchives.

III. Heinrich, Bischof von Havelberg, verheißt denjenigen einen Bußerlaß, welche dazu beitragen, dem Mangel an weltlichen Gütern bei den Jungfrauen des Cistercienser-Klosters Marienwerder (Seehausen) abzuhelfen, am 9. August 1277.

Henricus, dei gratia havelbergenfis episcopus vniuersis crisi fidelibus, ad quos presens scriptum peruenerit salutem in omnium saluatore. — Desiderantes — ut ancillarum crisi in insula sancte marie ordinis Cisterciensis inopie succurratur, que relictis seculi uoluptatibus magis seruire domino elegerunt, quam amittere paucos dies huius uite inutiliter, Tantum penitencie referuatos; Omnibus, qui tam pio negotio manum extenderint adiutricem, ne propter defectum temporalium a seculo inpotentes retrahantur, De misericordia omnipotentis dei confisi XL dies de iniunctis sibi penitentiis misericorditer relaxamus. Datum Gramzowe, anno domini M^o. CC^o. LXXVII^o., Quinto Idus augusti, Pontificatus nostri anno sexto.

Nach dem Original des K. Geheimen Staatsarchives.

Anm. Die Urkunde ist nach einer Archiuotiz dem Kloster Spandow zugeeignet, das jedoch niemals als Insula sancte Marie bezeichnet wird, wiewohl es ebenfalls der Jungfrau Maria geweiht war.